

ACTA DA SESIÓN EXTRAORDINARIA E URGENTE CELEBRADA POLA COMISIÓN INFORMATIVA PERMANENTE DE ECONOMÍA E FACENDA E ESPECIAL DE CONTAS, O DÍA 23 DE DECEMBRO DE 2013 ÁS 19.00 HORAS.

Sendo as dezanove horas (19.00 h.) do día 23 de decembro de 2013, réunese en sesión extraordinaria e urgente convocada ao efecto a Comisión Informativa Permanente de Economía e Facenda e Especial de Contas, coa asistencia das/os concelleiras /os que de seguido se indican.

Concelleiras/os asistentes:

Vocais:

Grupo municipal popular
Alfredo Taboada Alvelo

Grupo municipal socialista
José Manuel Miñones Conde
Francisco Villaverde Marcos

Concelleiras/os non adscritas/os
M^a Pilar Candocia Pita
M^a Dolores Fernández Álvarez
Ramón García Argibay

Presidente: Santiago V. Amor Barreiro

Secretaria: Rosa Ana Prada Queipo.

Asiste o interventor **José Antonio Rueda de Valenzuela** e a tesoureira **María Belén Rodríguez Tourón**.

ORDE DO DÍA:

Punto primeiro.- Ratificación da urxencia.-

Intervén o presidente da comisión **Santiago V. Amor Barreiro** para explicar substancialmente que a urxencia ven motivada porque houbo unha alegación asinada por José Pazos Balsa que afectaba a diversas ordenanzas e que o prazo de alegacións rematou o día 18 de decembro, tendo que deixar transcorrer uns días por se chegaran alegacións presentadas en outros organismos, polo que non se puido incluír na convocatoria ordinaria.

A urxencia da convocatoria é ratificada por maioría absoluta cos votos a favor dos membros do grupo municipal popular, do grupo municipal socialista a de M^a Pilar Candocia Pita e os votos en contra de M^a Dolores Fernández Álvarez e Ramón García Argibay.

Punto segundo.- Aprobación definitiva da modificación da Ordenanza fiscal reguladora do imposto sobre construcións, instalacións e obras.

Intervén o presidente para dicir que se trata de aprobar definitivamente esta ordenanza en base ao informe conxunto de Secretaría e Tesouraría.

Intervén **Pilar Candocia Pita** para dicir que na súa intención non está nin estivo nunca incumprir a legalidade e polo tanto se nalgún caso o aprobado é manifestamente ilegal non van a poñer pegas a que se modifique. Sen embargo, se é posible se poderían establecer bonificacións no lugar das exencións, o espírito da proposta é tratar de que os cidadáns teñan a menor carga posible nestes momentos e que substituír exención por bonificación sería o mais acorde coa proposta que fixeron inicialmente.

Toma a palabra o interventor **José Antonio Rueda de Valenzuela** para dicir que neste pleno non sería posible esa modificación porque a única alegación presentada propón que se elimine a exención en todas as ordenanzas nas que se incorporara. Outra cousa é que se plantexe a través dun rogo e se faga noutro pleno posterior.

Intervén **Pilar Candocia Pita** para preguntar se as bonificacións non son ilegais, ao que contesta o **interventor** que as bonificacións non. Continúa **Pilar Candocia Pita** dicindo que entón farán un rogo para que se faga noutro pleno, e pregunta se é obrigado levar este punto hoxe ao pleno, ao que respostan o **interventor** e a **secretaria** que esta alegación hai que resolvela no prazo previsto.

Continúa falando o **interventor** dicindo que o recomendable sería que as que teñen que estar a 1 de xaneiro entren en vigor cun texto correcto, e que mentres tanto se vaia traballando nun

texto para o seguinte ano porque aínda que agora se postergasen para un pleno posterior non entrarían en vigor ata o 2015.

Intervén **Pilar Candocia Pita** dicindo que considera que o espírito do voto particular estaba claro e que se lles debería haber avisado de que se podían propoñer bonificacións para que puidesen entrar en vigor.

Intervén novamente **José Antonio Rueda de Valenzuela** dicindo que non se trata de substituír exención por bonificación porque hai taxas que son autoliquidacións e non se pode despois avaliar a situación económica.

Intervén novamente **Pilar Candocia Pita** dicindo que a alegación se presentou o día 4 de decembro e eles se enteraron no día de hoxe e non quere cuestionar o traballo dos técnicos pero politicamente non se fixo a xestión que se tiña que facer porque considera que o espírito da súa proposta estaba clara e todo o mundo o coñecía e que se podían propoñer alternativas.

Toma a palabra **José Antonio Rueda de Valenzuela** para dicir que o réxime de tramitación das ordenanzas fiscais non é sinxelo.

Toma a palabra **José Miñones Conde** para dicir que a alegación de José Pazos Balsa, concelleiro do seu grupo, ven motivada pola falta de información e a confusión que houbo no pleno de se había ou non informe e que aínda que se recomendou dende Secretaría que non se pronunciasen sobre o asunto porque non había informe foi no medio dun debate dun pleno o que se evitaría se se falaran antes as cousas. A eles aconselláronlles dende o seu gabinete e por iso fixeron a alegación e que se chegan a saber que podían propoñer bonificacións, teríano feito.

Intervén a **secretaría** para dicir que tal e como di o interventor a cuestión non é tan sinxela porque habería que identificar as ordenanzas nas que se quere introducir bonificación e nelas habería que cambiar os artigos de xestión porque algunhas delas levan autoliquidación e non sería posible xestionalo desesa maneira.

Intervén novamente **José Miñones Conde** dicindo que habería que falalo de cara a facelo o vindeiro ano pero que moitas das ordenanzas que veñen a aprobación neste momento seguramente non se verían afectadas pola proposta de bonificacións.

Intervén novamente a **secretaría** para dicir que unha vez aprobadas definitivamente as ordenanzas, poderíanse iniciar os traballos de modificación nas que sexan susceptibles de levar bonificación.

Intervén novamente **Pilar Candocia Pita** para dicir que lle parece que hai unha falta de vontade política, anuncia que se vai a abster e se posicionarán no pleno.

Intervén o alcalde **Santiago V. Amor Barreiro** para dicir que o que di Pilar Candocia é unha opinión e que poden asesorarse cos técnicos do Concello. Contesta **Pilar Candocia Pita** dicindo que no momento do pleno no informe os técnicos dicían que non se podían posicionar pero que eles descoñecían que o acordo podía ser ilegal.

Tras un breve cambio de impresións, o asunto é ditaminado favorablemente por maioría absoluta co voto a favor dos membros do grupo municipal popular e do grupo municipal socialista e a abstención do resto dos asistentes á comisión informativa.

Punto terceiro.- Aprobación definitiva da modificación da Ordenanza fiscal reguladora da taxa por expedición de documentos administrativos.

Tras un breve cambio de impresións, o asunto é ditaminado favorablemente por maioría absoluta co voto a favor dos membros do grupo municipal popular e do grupo municipal socialista e a abstención do resto dos asistentes á comisión informativa.

Punto cuarto.- Aprobación definitiva da modificación da Ordenanza fiscal reguladora da taxa pola expedición de licenzas urbanísticas.

Tras un breve cambio de impresións, o asunto é ditaminado favorablemente por maioría absoluta co voto a favor dos membros do grupo municipal popular e do grupo municipal socialista e a abstención do resto dos asistentes á comisión informativa.

Punto quinto.- Aprobación definitiva da modificación da Ordenanza fiscal reguladora da

taxa pola licenza de apertura de establecementos ou pola actividade de control posterior daquelas actividades sometidas a comunicación previa ou declaración responsable.

Tras un breve cambio de impresións, o asunto é ditaminado favorablemente por maioría absoluta co voto a favor dos membros do grupo municipal popular e do grupo municipal socialista e a abstención do resto dos asistentes á comisión informativa.

Punto sexto.- Aprobación definitiva da modificación da Ordenanza fiscal reguladora da taxa pola entrada de vehículos a través de beirarrúas e por reservas da vía pública para aparcadoiro exclusivo, carga e descarga de mercadorías de calquera clase.

Tras un breve cambio de impresións, o asunto é ditaminado favorablemente por maioría absoluta co voto a favor dos membros do grupo municipal popular e do grupo municipal socialista e a abstención do resto dos asistentes á comisión informativa.

Punto sétimo.- Aprobación definitiva da modificación da Ordenanza fiscal reguladora da taxa por instalacións de postos, barracas, casetas de venda, espectáculos, atraccións ou recreo, situados en terreo de uso público municipal, así como industrias na rúa e ambulantes e rodaxe cinematográfico.

Tras un breve cambio de impresións, o asunto é ditaminado favorablemente por maioría absoluta co voto a favor dos membros do grupo municipal popular e do grupo municipal socialista e a abstención do resto dos asistentes á comisión informativa.

Punto oitavo.- Aprobación definitiva da modificación da Ordenanza fiscal reguladora da taxa por ocupación de terreos de uso público con mesas, cadeiras, tribunas, taboados e outros elementos análogos, con finalidade lucrativa.

Tras un breve cambio de impresións, o asunto é ditaminado favorablemente por maioría absoluta co voto a favor dos membros do grupo municipal popular e do grupo municipal socialista e a abstención do resto dos asistentes á comisión informativa.

Punto noveno.- Aprobación definitiva da modificación da Ordenanza fiscal reguladora da taxa por licenzas de autotaxi e demais vehículos de alugueiro.

Tras un breve cambio de impresións, o asunto é ditaminado favorablemente por maioría absoluta co voto a favor dos membros do grupo municipal popular e do grupo municipal socialista e a abstención do resto dos asistentes á comisión informativa.

Punto décimo.- Aprobación definitiva da modificación da Ordenanza fiscal reguladora da taxa por actos de utilización privativa ou aproveitamento especial do dominio público local derivados da execución de obras.

Tras un breve cambio de impresións, o asunto é ditaminado favorablemente por maioría absoluta co voto a favor dos membros do grupo municipal popular e do grupo municipal socialista e a abstención do resto dos asistentes á comisión informativa.

Punto undécimo.- Aprobación definitiva da modificación da Ordenanza fiscal reguladora da taxa polo aproveitamento especial do dominio público local con ocasión da celebración de matrimonio civil.

Tras un breve cambio de impresións, o asunto é ditaminado favorablemente por maioría absoluta co voto a favor dos membros do grupo municipal popular e do grupo municipal socialista e a abstención do resto dos asistentes á comisión informativa.

E non habendo mais asuntos de que tratar o señor presidente da por rematada a sesión ás sete horas e vinte minutos do día de referencia de todo o que eu como secretaria certifico.